



Aruba:

E Indiannan di Canashito

Un otro edicion cu HOLA ARUBA ta viaha den historia y ta laga nos biba momentonan bunita y di gran balor pa nos historia.

Di varios publicacion bunita di pastoor Nooyen di su publicacionnan titula "Aruba Nostra"

Ta di lamenta cu mucho potret no tin di antes y di e indianan di Canashito cual ta nos edicion di e luna aki pero loke cu si nos por garantiza cu e indiannan aki a biba na Aruba y a laga rastronan atras pa nos di nan forma di bida.

Te dia di awe no sa exactamente kico a pasa cu e colonia aki cu a yega Aruba mas of menos 3000 aña pasa cu ta haci nan un di e prome habitantenan di Aruba.

Un di e publicacionnan cu ta pone nos duna atencion na e cero di Canashito ta esun aki cu ta conta di e sitio mas notable arqueologicamente.

E cobamento di santo na Canashito a expone e materialnan arqueologico.

Riba e cero aki a bin haya wesonan di indian, restonan di cocolishi, piedranan cu tabata nan herment, pero nada di ceramica.

E indiannan aki cu lo a biba ariba e cero no lo tabata conoce ceramica ainda y ta pesey ta un arqueologo venezolano e ta calcula cu e indiannan aki lo aki na Aruba mas of menos 3000 aña pasa. Indiannan aki ta net lo contrario na esnan di Santa Cruz, Savaneta, Tanki Flip y Tanki Leendert cu ta kere cu nan ta di 1150 te cu 1500 aña bieu.

E periodo di e materialnan preceramico ta cubri den tera cu un laag di tera di 90 cm diki.

E laag arqueologico ta mas of menos 40 cm diki.

Cero di Canashito tin varios pinturanan di indian cual e significacion ainda ta desconoci.

Na pia di e cero aki por haya pida di pochi bieu di indian cual ta un colonia despues di esnan di Canashito.

Tambe bo ta haya pida di pipa traha di un material di cristal cu ta un tipo cu e indiannan tabata usa pero den klei.

Na aña 1860 Canashito ta bira mas conoci pa medio di dominee Kuiperi cu a lanta un iglesia

protestant y na 1879 esaki a kima por completo, cual iglesia despues a bay wordo traha na Piedra Plat.

Pa e luna aki nos tin un tiki di canashito un cero notable mey mey di e otronan cu un historia bunita di e prome habitantenan di Aruba cu a wak Aruba di un otro angulo.

Den nos siguiente edicion nos lo conta Hooiberg y kico esaki tabata simboliza pa e indiannan.

Pa esnan cu tambe kier comparti material historico cu nos por manda e-mail na diarioauro@yahoo.com of fax na 5822239.

